

CONVENIO DE COLABORACIÓN ENTRE "GALARIA, EMPRESA PÚBLICA DE SERVICIOS SANITARIOS, S.A." E A FUNDACIÓN "INSTITUTO DE INVESTIGACIÓN SANITARIA DE SANTIAGO DE COMPOSTELA" (FIDIS), PARA O SEGUIMENTO E COORDINACIÓN DA IMPLANTACIÓN DA TECNOLOXÍA DE PROTONTERAPIA NO SISTEMA PÚBLICO DE SAÚDE DE GALICIA.

MEMORIA XUSTIFICATIVA

A xerente do Servizo Galego de Saúde, DECLARA:

Que "Galaria Empresa Pública de Servizos Sanitarios S.A." e a Fundación "Instituto de Investigación Sanitaria de Santiago de Compostela" (FIDIS) formalizaron o 12/12/23 o instrumento convencional arriba referido que producirá efectos durante un período de catro anos, con posibilidade de prórroga.

Que o instrumento convencional asinado ten por obxecto establecer as condicións polas que se rexera a colaboración entre as partes para a realización das accións e fitos necesarios para o desenvolvemento das tarefas que se correspondan cos compromisos asumidos pola Consellería de Sanidade/Servizo Galego de Saúde no Convenio asinado co Ministerio de Sanidade o 19/10/2021 de cara á efectiva implantación e funcionamento do centro de protonterapia (PT) de Galicia e, nomeadamente, os seguintes:

- a) Seguimento do proxecto de instalación e posta en funcionamento.
- b) Seguimento da obra civil do centro.
- c) Coordinación de actividades de formación.
- d) Coordinación de instalación de investigación.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional asinado se fundamenta no seguinte:

Con data 31 de marzo de 2021 o Consello de Administración de Galaria aprobou por unanimidade avanzar no proxecto de estudar a posible implantación dun centro de tratamento de protóns.

Con data 19/10/2021 asinouse un Convenio entre o Ministerio de Sanidade, as consellerías competentes en materia de Sanidade das CCAA (entre elas a Comunidade Autónoma de Galicia) e a Fundación Amancio Ortega Gaona, para a colaboración na implantación da protonterapia no Sistema Nacional del Saúde, feito público mediante Resolución do 26 de outubro de 2021, da Secretaría de Estado de Sanidade (BOE nº 267, do 8 de novembro).

O convenio asinado co Ministerio de Sanidade establece un Plan de implantación da

protonterapia en todo o Sistema Nacional de Salud, mediante a incorporación de dez equipos que adquirirá o Ministerio e financiará a Fundación Amancio Ortega Gaona, un dos cales irá destinado a Galicia.

A actividade obxecto do convenio asinado, consistente na colaboración entre FIDIS e Galaria para o intercambio de información e colaboración en I+D enfocados ás actividades de seguimento e coordinación das actividades que require a implantación da técnica de protonterapia en Galicia, aparece como unha actividade prevista nas letras a) e c) do artigo 34 da Lei 14/2011, de 1 de xuño, da Ciencia, a Tecnoloxía e a Innovación.

Así, Galaria e FIDIS queren colaborar nas actividades de interese mutuo relacionadas co obxectivo de este convenio, intercambiando información e resultados, como unha importante oportunidade de cara a outras futuras colaboracións nas que pode participar de maneira activa e visible a FIDIS como apoio especializado para procesos de instalación do equipamento, os requirimentos técnicos que require a obra civil, a definición técnica de execución de proxectos con requisitos especializados propios da tecnoloxía da protonterapia, as actividades de formación, os requirimentos do uso da instalación para a investigación, e outros aspectos relacionados.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector público, ou outro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno de Galicia, estímase xustificado o recurso ao instrumento convencional asinado, con exclusión doutras figuras.

A xerente do Servizo Galego de Saúde

Maria Estrella Lopez-Pardo Pardo.

